



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LWASEKHAYA (HL)

IPHEPHA LOKUQALA (P1)

FEBRUWARI/MASHI 2018

IMEMORANDAMU

AMAMAKI: 70

Le memorandamu inamakhasi ayisi-8.

ISIQEPHU A: ISIVIVINYO SOKUQONDISISA**UMBUZO 1: UKUFUNDELA UKUQONDISISA****INDLELA YOKUMAKA:**

1. Ngenxa yokuthi sigxila emqondweni wempendulo; ukungabhaleki kahle kwamagama namaphutha olimi sikushaya indiva/asikunaki ngaphandle uma kuthinta umqondo wempendulo yonke. Amaphutha kumele omakayo awatshengise ngezimpawu ezisetshenziswayo uma kunamaphutha.
2. Uma umfundi esebenzise amagama angekho olimini ahlolwa ngalo,lawo magama ngeke anakwe uma ngabe impendulo ayibhalile inomqondo ophelele.Uma kunegama elithathelwe kolunye ulimi embhalweni onikeziwe noma kudingeka ukuthi impendulo inike lona lokho kuyovumeleka.
3. Imibuzo edinga izimpendulo ezinjengo YEBO/CHA/ANGIVUMI/NGIYAVUMA azinikwa amamaki kodwa indlela umfundi asekelanga ngayo ethola amamaki.
4. Imibuzo edinga izimpendulo ezinjengo IQINISO/AKUSILO IQINISO/UMBONO/IQINISO azinikwa amamaki kodwa indlela umfundi asekelanga ngayo ethola amamaki.
5. Uma impendulo iyigama elilodwa kodwa umfundi abhale umusho wonke; umfundi uthola amamaki uma edwebele impendulo noma eyikhombise ngandlela thize.
6. Uma impendulo idinga amaphuzu amabili/amathathu kodwa umfundi wabhala angaphezulu kwalokho kumakwa amaphuzu amabili/amathathu okuqala okunye kungabe kusanakwa.
7. Umfundi uyanikwa amamaki uma esebenzise ulimi lwesigodi empendulweni yakhe
8. Emibuzweni lapho umfundi ekhetha impendulo kwazinikiwe; uyawathola amamaki uma ebhale impendulo ephelele kanje:
A. UThoko/A(okuwuhlamvu oluphelele)

ISIQEPHU A: ISIVIVINYO SOKUQONDISISA**UMBUZO 1: UKUFUNDELA UKUQONDISISA****1.1 UMBHALO A (OFUNDWAYO)**

- 1.1.1 Eyokuxhuma izinwele zabo ngezinwele ezithengiwe.√ (1)
- 1.1.2
- Bafaka ingcosana yezinwele baxube neshoba lehhashi ukuze kucwebezele.√
 - Bazicwilisa emafutheni ekhethelo ukuze zibe ngumbala owodwa umthengi acabange ukuthi uthole ezangempela.√ (2)
- 1.1.3 Amazwi adwetshelwe esigabeni sesi-6 achaza ukuthi amadoda abantu abaMnyama anempandla angeke akwazi ukusebenzisa lezi zinwele ezithengwayo ukuvala izimpandla zawo √ngoba izinwele zawo azifani nalezo ezixhunywayo.√ (2)
- 1.1.4 Umehluko wendlela okutholakala ngazo lezi zinwele owokuthi abanye izinwele zithathwa kubo ngempoqo kanti abanye banikela ngazo.√ Kwamanye amazwe ase-Asia iziboshwa zigundwa ngenkani ngojele maqede badayise izinwele zazo.√ Kanti ezweni laseNdiya lezi zinwele zitholakala ngokuthi abantu bakhona banikele ngazo esithixweni u-*Vishnu* emathempelini ukuze bathole izinhlanhla. √ (3)
- 1.1.5 C/into engekho eqophelweni.√ (1)
- 1.1.6 Izinwele zokuxhunywa zinobungozi ngoba le mithi esetshenziswayo inezithako eziyingozi ezingadala umonakalo ezinweleni noma esikhumbeni sezinwele √, nalabo abaxhuma ngokuluka izinwele zabo zigcina ziqothuka babe nempandla ngenxa yokuthi labo ababalukayo babadonsa kakhulu isikhumba. √ Uma umuntu esenempandla kuba lukhuni ukuyelapha.√ Nezinye izimpendulo ezinembayo. (3)
- 1.1.7 Kunomthelela ongemuhle ngoba kwandisa ubugebengu bokubanjwa kwabantu bagundwe izinwele zabo ngenkani/ kugundwe abantu asebeshonile izinwele zabo./Abantu baphelelwa ukuzigqaja ngobuzwe babo nangendlela abadalwe ngayo ngoba bagcina bezinyeza ngobubona bafisa ukubukeka njengabantu abanezinwele ezinde.√√ (2)
- 1.1.8 Ubuqiniso bamazwi bukhombisa ukuthi bonke abantu bahle benezinwele zabo zemvelo. Bangazinakekela ngokuziphatha, bazicwale noma bazeluke. Sezikhombisile ukuthi uma zinakekelwe ngendlela yemvelo ziyakwazi ukukhula zize zishaye eqolo.√√√ (3)
- 1.1.9 Umbhali walesi siqephu uphumelele kahle ukweluleka abantu besifazane abathanda izinwele ezixhunywayo ngokubafundisa ngemvelaphi yezinwele ezixhunywayo, wabaxwayisa ngobungozi bokusetshenziswa kwalezi zinwele waphinda wabeluleka ngokubaluleka kokuthanda izinwele zabo zemvelo.√√√ (3)

1.2 UMBHALO B (OBUKWAYO)

- 1.2.1 Laba bantu besifazane abasesithombeni soku-1 baveza umuzwa wokwesasa/wokenama/wokujabula √ngoba bajatshuluswa yindlela abalungise ngayo izinwele zabo.√ (2)
- 1.2.2 Umehluko oqukethwe yilezi zithombe yindlela laba bantu besifazane abalungise ngayo izinwele zabo. Isithombe sesi-2 siveza owesifazane onezinwele zendalo ezicwaliwe, √ kanti isithombe sesi-3 siveza owesifazane onezinwele ezinde ezixhunyiwe/eziqothukayo.√ (2)
- 1.2.3 Isithombe sesi-4 sikugqamisa kahle okusembhalweni A esigabeni sesi-7 ngoba sikhombisa ukuqothuka kwezinwele/impandla ngenxa yendlela ezixhunywa ngayo ngokwelukwa/kusetshenziswa imithi.√√ Ngokunjalo isigaba sesi-7 sikhuluma ngezinwele eziba nempandla/ eziqothukayo uma zilukwa/zisuswa yimithi esetshenziswayo uma zixhunywa.√√ (4)
- 1.2.4 Ebengingakwenza ukugwema lesi simo, bengingazihlalela nezinwele zami zendalo ngingalinge ngifake izinwele ezixhunywayo ekhanda lami.√√ (Nezinye izimpendulo ezinembayo). (2)

AMAMAKI ESIQEPHU A: 30

ISIQEPHU B: UKUFINGQA**UMBULO 2: UKUFINGQA ISIQESHANA NGAMAGAMA AKHO****UMBHALO C**

Amaphuzu acashuniwe		Amaphuzu owabeke ngamagama akho	
1	Uma umuntu ethanda into uyayivikela ngoba ibalulekile futhi iyigugu kuyena.	1	Uma umuntu ethanda into esemqoka kuye, kumele ayinakekele futhi ayivikele.
2	Ukuzivikela ezintweni ezingekona ukucabanga okuphusile nakubantu abazingabazayo futhi abangazithembi kusemqoka	2	Ukuzivikela emicabangweni engenamqondo nakubantu abazenyeyayo futhi abangazithembi kubalulekile.
3	Qinisekisa ukuthi iphupho lakho liba yimpumelelo ngokulivikela nangokugxilisa umqondo kulokho ukuze liphumelele kusasa.	3	Qikelela ukuthi iphupho lakho uyalinakekela ngokubeka umqondo wakho ophelele kulona ukuze lifezeke ngesikhathi esizayo.
4	Zimisele ugxile kokuthandayo ngokuzithuthukisa ngolwazi nangekhono kukho.	4	Zinikele ngokuphelele kokuthandayo uphinde ukhulise ulwazi ngokuzenzela kona wena mathupha.
5	Kubalulekile ukuthi umsebenzi owenzayo ubemuhle ukuze kuvele isithombe esihle ngawe.	5	Qikelela ukuthi lokho okwenzayo kuseqophelweni eliphezulu futhi kukhombisa isithombe esihle ngawe.
6	Ngakho-ke bukela kula mazwe uqhubeke uye phambili, uwe uphinde uvuke ungaphezi ukuzithuthukisa.	6	Funda kwezinye izizwe ubekezele ungaphezi ukuzithuthukisa.
7	Qala ngokubalulekile ngoba unesikhathi esikaliwe kukho konke okwenzayo, isikhathi siyimali futhi asilindi muntu.	7	Hlela izinto oenzayo ngokubaluleka kwazo, ukuze ungachithi isikhathi ngoba siyinzuzo empilweni yomuntu.

Uma umuntu ethanda into isemqoka kuye, kumele ayinakekele futhi ayivikele. Ukuzivikela emicabangweni engenamqondo nakubantu abazenyeyayo futhi abangazithembi kubalulekile. Qikelela ukuthi iphupho lakho uyalinakekela ngokubeka umqondo wakho ophelele kulona ukuze lifezeke ngesikhathi esizayo. Zinikele ngokuphelele kokuthandayo uphinde ukhulise ulwazi ngokuzenzela kona wena mathupha. Qikelela ukuthi lokho okwenzayo kuseqophelweni eliphezulu futhi kukhombisa isithombe esihle ngawe. Funda kwezinye izizwe ubekezele ungaphezi ukuzithuthukisa. Hlela izinto oenzayo ngokubaluleka kwazo, ukuze ungachithi isikhathi ngoba siyinzuzo empilweni yomuntu.

[Amagama angama-69]

AMAMAKI ISIQEPHU B: 10

Indlela yokumaka ukufingqa

Ukumaka lo mbuzo kweyame ekusebenziseni amaphuzu anembayo nahambisana nomyalelo.

- **Ukwabiwa kwamamaki:**
 - Amamaki ayisi-7 awamaphuzu ayisi-7 (imaki elilodwa lihambisana nephuzu elilodwa).
 - Amamaki ama-3 awolimi.
 - Amamaki esewonke: 10.
- **Ukucozululwa kwamamaki olimi uma abahlolwayo besebenzise amagama abo:**
 - 1–3 amaphuzu anembayo: nikeza imaki eli-1 olimini.
 - 4–5 amaphuzu anembayo: nikeza amamaki ama-2 olimini.
 - 6–7 amaphuzu anembayo: nikeza amamaki ama-3 olimini.
- **Ukucozululwa kwamamaki olimi uma ohlolwayo engacaphunanga njengoba kunjalo:**
 - 6–7 acashuniwe, awekho amamaki olimi.
 - 1–5 acashuniwe, nikeza imaki elilodwa lolimi.
- **Ukubalwa kwamagama:**
 - Abamakayo kumele baqinisekise inani lamagama asetshenzisiwe.
 - Alikho imaki okumele liphucwe ohlolwayo ngokuhluleka ukuveza inani lamagama awasebenzisile noma ukuveza inani okungesilo lamagama awasebenzisile.
 - Uma ohlolwayo eqile enanini lamagama amiselwe (80), kumele kufundwe amagama kuze kufike ekugcineni kwalowo musho ege ngawo.

ISIQEPHU C: IZAKHIWO NEZIMISO ZOKUSETSHENZISWA KOLIMI**UMBUZO 3: UKUHLAZIYA ISIKHANGISI**

- 3.1 Kusiza abantu ekuhlambululeni izisu eziqunjelwe.√ (1)
- 3.2 Lolu phawu lusetshenziselwe ukukhombisa i-Dulcolax umkhiqizo okuyiwonawona/obhaliswe ngokusemthethweni.√√ (2)
- 3.3 Lolu ulimi olukhohlisayo ngoba ikhona eminye imikhiqizo esebenza ukwedlula lona okhangisiwe√ futhi kungenzeka ukuthi kwamanye amazwe awukho nhlobo lo mkhiqizo.√ Lolu limi olukhohlisayo luyisu lomkhangisi owenzelwe ukulutha abantu ukuze babone ukuthi awukho umkhiqizo odlula lo okhangisiwe.√ (3)
- 3.4 Abantu banezisu ezingefani, labo abanesisu ezisheshe sihlambuluke bazosebenzisa amaphilisi aphuzwayo athatha isikhathi eside ukusebenza√ kanti abanezisu ezisheshe zihlambuluke bangasebenzisa amaphilisi ashuthekwayo asebenza ngokushesha.√ (2)
- 3.5 Bayakufakazela ngoba bayamamatheka batshengisa ukuphila √ngenxa yokuthi basebenzisa umkhiqizo we-Dulcolax/ umkhangisi ushilo ukuthi ilungele abadala nabancane njengoba bekhonjisiwe esikhangisini.√ (2)
- [10]**

UMBUZO 4: UKUQONDISISA EZINYE IZINGXENYE ZEMITHOMBO YEZINDABA

- 4.1 Lolu phawu lokubabaza luggamisa ukuhlekisa ngayo yonke into eyenziwa abanikazi bembongolo nokuthi babukwe nangabanye abantu.√√ (2)
- 4.2
- Mamo zakhala kazezela kulaba√ (2)
 - Isilima sendoda.√ (2)
- 4.3 Isimo sokukhuluma siyahambisana nokwenzeka kule khathuni ngoba laba banikazi bembongolo abagcine behamba phansi bavuma ukulalela abantu ukuthi benzeni ngembongolo yabo.√√ (2)
- 4.4 Inhloso yomdwebi wale khathuni ukuhlekisa ngalaba bantu ngokuthi bavumele ukutshelwa ngabantu ngembongolo yabo ukuthi benzeni ngayo./ Umdweni wale khathuni uhlose ukuxwayisa abantu ukuba bazithembe kukho konke abakwenzayo bangavumi ukujikwa abanye abantu kulokho abakwenzayo. √√ (2)
- (Nezinye izimpendulo ezinembayo).
- 4.5 Umuzwa wokudumala/wokunengwa /wokukhathazeka ukubona abantu abadala bedlala abanye abantu.√ (2)
- Ngiyewelana nabo ngoba bazama ukwenza noma yini ejabulisa abantu kepha abantu baqhubeka babahleke./Angizwelani nabo ngoba bakhombisa ukungabi nawo umgogodla ezinqumeni abazithathayo yingakho behlekwa abantu. √ (2)
- [10]**

UMBUZO 5: IZAKHIWO NEZIMISO ZOKUSETSHENZISWA KOLIMI

- 5.1 Ngcingci! ✓ (1)
- 5.2 Lenze umsebenzi wokukhanyisa isilandiso. ✓ (1)
- 5.3 Kungakho-ke ✓ (1)
- 5.4 Ukuze babukeke kahle. ✓ (1)
- 5.5 Uphenduke isiduli sikasawoti njengomkaLoti. ✓ (1)
- 5.6 A/ukunqaba ukwenza into. ✓ (1)
- 5.7 Ekugcineni ighaza elibanjwa umeluleki wezezimali ezinhlelweni zokonga akufanele ukuba libukelwe phansi. ✓ (1)
- 5.8 Imali engiyiwine emjahweni ngizoyisebenzisela ukufundisa umfowethu. ✓
(Neminye imisho enembayo iyokwamukelwa.) (1)
- 5.9 Ngebhande ✓
UThembi ngimshaye ngebhande lesikhumba. ✓ (2)

[10]**AMAMAKI ESIQEPHU C: 30**
AMAMAKI ESEWONKE: 70